

JOHNNY FINGAL A GRADUA NA RIJKSUNIVERSITEIT, UTRECHT



ORANJESTAD [AAN] Recientemente Johnny Fingal a gradua na Rijksuniversiteit Utrecht cu specialisacion den educacion di Naturalesa y Medio Ambiente.

E estudio a encera entre otro con pa usa informacion, maneho, formacion sano tocante di naturalesa y medio ambi-

ente. Uso ta ser haci di e mesun media y technicanan cu ta ser usa pa otro intervencionnan comunicativo manera propaganda, advertencia, relacionnan publico y educacion.

Na e ceremonia pa e graduadonan, ela ricibi su diploma for di man di Dr.J.Broertjes kende a guia e estudio na universidad. Dr.Broertjes a duna un relato basta amplio di docterandus Fingal y tabatin elogio pa su proyecto final "Aruba, dushi tera" cu tin e meta principal mantencion, recuperacion y desarojo duradero di aprecio pa naturalesa y paisahenan, historia, cultura y indentidad di Aruba.

Dr.Broertjes a relata cu e rapport conteniendo e proyecto aki a worde ricibi pa Minister di Bienestar General na Aruba y cu e rapport a haya e acogida mereci cerca gobierno di Aruba.

Johnny Fingal anteriormente a termina su grado di M.O. den Biologia na 1982 na e Universidad di Utrecht unda ela score mas halto entre e graduadonan pa su specialisacion di maestro. E anja aki drs.Fingal ademas di a termina su estudio na luna di Mei enbes di Augustus (oficialmente planea) tambe a haya di parti e expertonan di universidad di Hulanda un 10 pa su trabao total di e proyecto "Aruba, dushi tera".

Foto: Ministro di Obras Publicas y Salubridad Pedro Kelly y Ministro Plenipotenciario Sra.Ella Tromp-Yarazaray presente na e graduacion di Drs.Johnny Fingal.